



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13, 89/16 i 5/22) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08 i 5/22), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2021. GODINU POLITIČKE ORGANIZACIJE „NEZAVISNI BLOK“

Broj: 03-07-6-409/22
Sarajevo, 25.03.2024. godine

SADRŽAJ

| | |
|--|----|
| MIŠLJENJE REVIZORA..... | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS REVIZIJE | 5 |
| Predmet revizije..... | 5 |
| Cilj revizije | 5 |
| Obim revizije | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE..... | 5 |
| 5.1 NALAZI | 5 |
| 5.2 PREPORUKE..... | 10 |

MIŠLJENJE REVIZORA

Služba za reviziju finansiranja političkih stranaka izvršila je reviziju godišnjeg finansijskog izvještaja Političke organizacije „Nezavisni blok“ za 2021. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom finansijskog izvještaja za 2021. godinu, utvrđeno je da je Politička organizacija „Nezavisni blok“ prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Prema našem mišljenju, osim navedenog, finansijski izvještaj ukazuje da je Politička organizacija „Nezavisni blok“ u 2021. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Političke organizacije „Nezavisni blok“ za 2021. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2021. godinu, Politička organizacija „Nezavisni blok“ se finansirala iz sljedećih izvora:

| R/B | Izvori finansiranja | Iznos | Struktura |
|-----------|--|-------------------|---------------|
| | | (KM) | (%) |
| 1. | Članarina | 7.761,96 | 2,20 |
| 2. | Prilozi fizičkih lica (3-a) | 0,00 | 0,00 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 0,00 | 0,00 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 90,00 | 0,03 |
| 7. | Prihodi iz budžeta (3-f) | 318.784,70 | 90,33 |
| 8. | Prihodi od propagande (3-g) | 0,00 | 0,00 |
| I | Ukupni prihodi (1-8) | 326.636,66 | 92,56 |
| II | Ostali prihodi i drugo | 26.258,45 | 7,44 |
| | Izvori finansiranja (I+II) | 352.895,11 | 100,00 |

U godišnjem finansijskom izvještaju stranka je iskazala rashode u ukupnom iznosu od 253.877,03 KM.

2. PREDSTAVLJANJE POLITIČKE STRANKE

Naziv političke stranke je Nezavisni blok. Skraćeni naziv je NB.

Politička organizacija „Nezavisni blok“ je registrovana kod Općinskog suda u Sarajevu Rješenjem broj: 065-0-F1-17-000017 od 27.10.2017. godine. Rješenjem istog suda broj: 065-0-F1-19-000004 od 11.11.2019. godine, upisana je promjena sjedišta političke stranke.

Sjedište političke stranke je u Sarajevu, ulica Vilsonovo šetalište br. 10.

Lice ovlašteno za predstavljanje i zastupanje stranke je Senad Šepić, predsjednik stranke. Lice ovlašteno za podnošenje finansijskih izvještaja za 2021. godinu je Edina Pijalović.

Prema podacima iz godišnjeg finansijskog izvještaja za 2021. godinu, Politička organizacija „Nezavisni blok“ ima sljedeću organizacionu strukturu:

- Centrala,
- 2 kantonalna odbora i

- 7 odbora.

3. OPIS REVIZIJE

Predmet revizije je godišnji finansijski izvještaj Političke organizacije „Nezavisni blok“ za 2021. godinu i to sljedećih organizacionih dijelova političke stranke:

- Centrala u Sarajevu,
- Kantonalni odbor Zenica i
- Kantonalni odbor Bihać.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Politička organizacija „Nezavisni blok“ u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskog izvještaja Političke organizacije „Nezavisni blok“ obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled finansijskih izvještaja Političke organizacije „Nezavisni blok“ u periodu od 2017. do 2020. godine, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja Političke organizacije „Nezavisni blok“ za 2020. godinu, izdat je izvještaj o pregledu sa mišljenjem revizora, nalazima i preporukama stranci da svake godine donosi precizan i jasan program utroška sredstava i da finansijska sredstva osigurana za finansiranje političke stranke koristi u skladu sa programom i statutom za ostvarivanje ciljeva političke stranke, da prijavljuje sve priloge bez obzira na koji način ih ostvaruje, da se ne finansira iz zabranjenih izvora, da poslovne knjige vodi u skladu sa računovodstvenim propisima, odnosno da uspostavi potpune i tačne evidencije o rashodima i obavezama stranke, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka, da obrati pažnju na ispravnost i vjerodostojnost knjigovodstvenih isprava i da sa dobavljačima izvrši usklađivanje svojih obaveza i izvrši odgovarajuća knjiženja u poslovnim knjigama.

Nerealizovane preporuke:

Na osnovu uočenih nedostataka u godišnjem finansijskom izvještaju za 2021. godinu, utvrđeno je da Politička organizacija „Nezavisni blok“ nije ispoštovala ranije date preporuke.

5. NALAZI I PREPORUKE

5.1 NALAZI

a) Politička organizacija „Nezavisni blok“ nije postupila u skladu sa odredbama člana 4. stav (1) Zakona o finansiranju političkih stranaka¹.

Politička stranka je u godišnjem finansijskom izvještaju iskazala ukupne troškove u iznosu od 253.877,03 KM.

¹ U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

U Planu prihoda i rashoda za 2021. godinu, stranka je planirala ukupne troškove u iznosu od 301.800,00 KM, uključujući i troškove po osnovu neplaćenih faktura iz 2020. godine u iznosu od 37.000,00 KM, koji su trebali biti uključeni u Plan prihoda i rashoda za 2020. godinu.

Uvidom u Plan prihoda i rashoda za 2021. godinu, Služba za reviziju je utvrdila da je isti sačinjen na način da ne obezbjeđuje transparentnost utrošenih sredstava, kao i njegovu uporedbu sa ostvarenim troškovima, odnosno nije analitičan.

Politička stranka je finansijska sredstva u iznosu od 54.580,98 KM utrošila mimo utvrđenog plana rashoda za 2021. godinu, i to:

- Stranka je troškove takse i novčanih kazni ostvarila u iznosu većem za 25.585,00 KM u odnosu na planirani iznos. Planom prihoda i rashoda za 2021. godinu troškovi takse i novčanih kazni planirani su u iznosu od 5.000,00 KM, a isti su ostvareni u ukupnom iznosu od 30.585,00 KM.²

- Politička organizacija „Nezavisni blok“ je troškove propagande planirala u iznosu od 15.000,00 KM, a iste je ostvarila u iznosu od 27.175,13 KM, što je za 12.175,13 KM više u odnosu na planirane.

- U Planu prihoda i rashoda za 2021. godinu, stranka nije predvidjela sljedeće troškove: troškove kancelarijskog materijala, troškove održavanja opreme, troškove usluga, troškove reprezentacije, troškove platnog prometa, troškove prethodnih godina, troškove ostalog materijala, troškove stipendije i troškove sudske takse.

Stranka je u 2021. godini navedene troškove ostvarila u ukupnom iznosu od 16.820,85 KM, i to: troškove kancelarijskog materijala u iznosu od 591,05 KM, troškove održavanja opreme u iznosu od 30,00 KM, troškove usluga u iznosu od 1.678,73 KM, troškove reprezentacije u iznosu od 8.107,61 KM, troškove platnog prometa u iznosu od 2.211,40 KM, troškove prethodnih godina u iznosu od 2.636,06 KM, troškove ostalog materijala u iznosu od 866,00 KM, troškove stipendije u iznosu od 200,00 KM i troškove sudske takse u iznosu od 500,00 KM.

S obzirom da Plan prihoda i rashoda za 2021. godinu nije sačinjen na način da obezbjeđuje transparentnost utrošenih sredstava, kao i njegovu uporedbu sa ostvarenim troškovima, odnosno nije dovoljno analitičan, te da je dio finansijskih sredstva utrošen mimo utvrđenog Plana prihoda i rashoda za 2021. godinu, prekršene su odredbe člana 4. stav (1) Zakona o finansiranju političkih stranaka.

b) Stranka je prekršila odredbe člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Politička organizacija „Nezavisni blok“ nije vodila poslovne knjige u skladu sa računovodstvenim propisima, nije vodila potpune i pravilne evidencije o svojim prihodima, rashodima i obavezama, te obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) U godišnjem finansijskom izvještaju, koji je podnijela Centralnoj izbornoj komisiji BiH, politička stranka je na obrascu 1.1 (*Opći podaci o političkoj stranci - teritorijalna organizacija političke stranke*), u okviru organizacione strukture navela: Centralu stranke u Sarajevu, Kantonalni odbor stranke u Zenici i Kantonalni odbor stranke u Bihaću, te odbore Donji Vakuf, Kakanj, Vareš, Sanski Most, Zavidovići, Tešanj i Visoko.

² Podaci sa konta 40880 uvećani za 500,00 KM. Stranka je troškove novčanih kazni evidentirala u manjem iznosu za 500,00 KM zbog pogrešno provedenog knjiženja.

Kontrolom podataka o finansiranju političkih stranaka iz budžeta svih nivoa vlasti, kao i kontrolom prometa izvoda sa transakcijskih računa političke stranke, utvrđeno je da je stranka osim prihoda koje je ostvarila iz budžeta Zeničko-dobojskog kantona i Unsko-sanskog kantona, ostvarila prihod i iz Srednjobosanskog kantona i Bosansko-podrinjskog kantona, te općina Hadžići, Bihać i Ključ, što ukazuje na činjenicu da Politička organizacija „Nezavisni blok“ u godišnjem finasijskom izvještaju nije prijavila sve organizacione dijelove.

Stranka je u toku 2021. godine zaključila ugovore o djelu sa fizičkim licima radi provođenja aktivnosti u vezi sa tehničkom realizacijom, organizacijskim, analitičkim i administrativno-tehničkim poslovima u Zenici, Prijedoru i Banja Luci.

S obzirom da politička stranka u finasijskom izvještaju nije prijavila kompletnu organizacionu strukturu, prekršila je odredbe člana 10. Pravilnika.

(2) Pregledom godišnjeg finasijskog izvještaja, poslovnih knjiga i dodatne dokumentacije, utvrđeno je da Politička organizacija „Nezavisni blok“ nije uspostavila blagovremene, potpune i tačne evidencije o članarinama, prilogima fizičkih lica i pravnog lica, prihodima iz budžeta, te iste nije pravilno iskazala u godišnjem finasijskom izvještaju, čime je prekršila odredbe člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka i člana 13., 14., 18. i 19. Pravilnika.

- U poslovnim knjigama i godišnjem finasijskom izvještaju stranka je iskazala prihode od članarine u iznosu od 7.761,96 KM, te je fizičkim licima-članovima stranke izdala potvrde o primljenim članarinama.

Kontrolom transakcijskih računa stranke utvrđeno je da su članarinu, u različitim iznosima, uplatila četiri fizička lica i to: dva fizička lica u iznosu od po 20,00 KM, fizičko lice Aida Ibrahimpašić u iznosu od 1.116,00 KM i fizičko lice Amer Obradović u iznosu od 6.605,96 KM za koje je stranka izdala potvrde o primljenoj članarini.

Uvidom u Odluku o preporuci plaćanja i visini eventualne članarine u Političkoj organizaciji „Nezavisni blok“³ utvrđeno je da se članarina plaća na dobrovoljnoj osnovi i da je iznos godišnje članarine definisan u rasponu od 12,00-120,00 KM.

Imajući u vidu da je preporučeni maksimalni iznos godišnje članarine 120,00 KM, Politička organizacija „Nezavisni blok“ je u obrascu 3 (*Izvori finansiranja*) trebala iskazati članarinu u iznosu od 280,00 KM i priloge fizičkih lica u iznosu od 7.481,96 KM, i to: prilog fizičkog lica Aida Ibrahimpašić u iznosu od 996,00 KM i prilog fizičkog lica Amer Obradović u iznosu od 6.485,96 KM.

Stranka je bila obavezna priloge fizičkih lica iskazati u obrascu 3-a godišnjeg finasijskog izvještaja, te fizičkim licima izdati potvrde o primljenim prilogima.

- Politička organizacija „Nezavisni blok“ je u godišnjem finasijskom izvještaju iskazala ostale prihode u iznosu od 26.258,45 KM. Pregledom godišnjeg finasijskog izvještaja, i poslovnih knjiga utvrđeno je da je stranka kao ostale prihode iskazala prihod od kamata u iznosu od 2,59 KM i naknadno utvrđene prihode iz prethodnih godina u iznosu od 26.255,86 KM.

Uvidom u knjižnu obavijest broj: 1-8/19 od 20.08.2019. godine dobavljača GP „ŽGP“ d.d. Sarajevo utvrđeno je da je pravno lice izvršilo odobrenje duga Političkoj organizaciji „Nezavisni blok“ po osnovu računa iz 2017. i 2018. godine u ukupnom iznosu od 26.255,86 KM, što predstavlja njegovu nenovčanu donaciju, koju je stranka trebala iskazati u obrascu

³ Odluka broj 04-27-04-01/19 od 27.04.2019. godine.

3-e (Prihodi od poklona i usluga koje politička stranka nije imala obavezu platiti) godišnjeg finansijskog izvještaja.

Pored toga, Politička organizacija „Nezavisni blok“ je u godišnjem finansijskom izvještaju, ostale prihode u iznosu od 26.255,86 KM iskazala na osnovu knjižne obavijesti iz 2019. godine, što ukazuje na činjenicu da stranka nije uspostavila blagovremene evidencije o svojim prihodima.

- Politička stranka je u godišnjem finansijskom izvještaju sredstva u iznosu od 1.200,00 KM koja je primila po osnovu povrata uplaćenog novčanog iznosa takse za ovjeru prijave za učešće političkih subjekata na Lokalnim izborima za 2020. godinu iskazala kao prihod iz budžeta Bosne i Hercegovine. Politička organizacija „Nezavisni blok“ je navedena sredstva trebala iskazati kao ostali prihod.
- (3) Pregledom finansijske dokumentacije utvrđeno je da potvrde, koje je stranka izdala fizičkim licima od kojih je primila članarinu, ne sadrže podatke propisane članom 6. Pravilnika, odnosno ne sadrže podatke o broju ličnog dokumenta, adresi i mjestu prebivališta⁴.
- (4) Politička organizacija „Nezavisni blok“ u poslovnim knjigama nije uspostavila potpune, pravilne i blagovremene evidencije o svojim rashodima i obavezama i iste nije pravilno iskazala u godišnjem finansijskom izvještaju, čime je prekršila odredbe člana 21., 22., 23. i 24. Pravilnika.

- U godišnjem finansijskom izvještaju Politička organizacija „Nezavisni blok“ je iskazala troškove zakupa poslovnih prostora koje su koristili sljedeći organizacioni dijelovi: Centrala u iznosu od 18.462,60 KM, Kantonalni odbor Zenica u iznosu od 7.258,80 KM i Kantonalni odbor Bihać u iznosu od 3.000,00 KM.

Uvidom u dostavljene ugovore o zakupu utvrđeno je da su troškovi zakupa poslovnog prostora koji je koristila Centrala stranke iznosili 18.252,00 KM, kao i da je stranka kao troškove zakupa poslovnog prostora iskazala troškove zakupa sale za sastanke po osnovu računa dobavljača „Unitic“ d.o.o. Sarajevo, broj: 3127-KS/2021 od 07.10.2021. godine u iznosu od 210,60 KM.

- Uvidom u poslovne knjige stranke utvrđeno je da je stranka troškove novčanih kazni i prekršajnog postupka evidentirala u manjem iznosu za 500,00 KM.

Stranka je dana 26.05.2021. godine evidentirala novčanu kaznu u iznosu od 27.000,00 KM koju je izrekla Centralna izborna komisija Bosne i Hercegovine i koju stranka plaća u ratama. Stranka je dana 04.10.2021. godine izvršila plaćanje prve rate novčane kazne u iznosu od 2.250,00 KM koju je proknjižila na konto novčanih kazni, te je naknadno izvršila preknjiženje iste na konto obaveza, ali u iznosu od 2.750,00 KM, čime je ukupne troškove i obaveze umanjila za 500,00 KM.

- Politička organizacija „Nezavisni blok“ je u finansijskom izvještaju za 2021. godinu, suprotno računovodstvenim propisima, iskazala troškove koji su nastali u prethodnim godinama, što ukazuje da nije vodila pravilne evidencije o svojim rashodima.

Uvidom u poslovne knjige i račun dobavljača „USKINFO PROMOCIJA“ d.o.o. Bihać broj: 67-10-2021, utvrđeno je da je stranka troškove objavljivanja banera na portalu po osnovu

⁴ Politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlašćenog lica.

kampanje Izbori 2020. godine u periodu od 14.10.2020. godine do 14.11.2020. godine u iznosu od 1.755,00 KM evidentirala kao troškove propagande-ostali troškovi. Bez obzira što je dobavljač račun za objavu banera na portalu izdao dana 22.10.2021. godine, stranka je ove troškove trebala uračunati u poslovnim knjigama i iskazati u godišnjem finansijskom izvještaju za 2020. godinu.

Takođe, stranka je na dan 31.12.2021. godine iskazala potraživanje po osnovu avansa datog dobavljaču D.D. agencija „VIP HD“ Sarajevo u iznosu od 5.382,00 KM.

U toku obavljanja revizije dobavljač je ispostavio fakturu broj 38-2023 od 07.08.2019. godini i fiskalni račun broj 408 od 13.07.2023. godine u iznosu od 5.382,00 KM za usluge medijskog praćenja predizbornih aktivnosti (snimanje skupova) i snimanje video spota. Na računu je navedeno da je stranka navedeni iznos uplatila iz dva dijela i to: dana 30.08.2019. godine u iznosu od 3.000,00 KM i dana 07.05.2021. godine u iznosu od 2.382,00 KM. Politička organizacija „Nezavisni blok“ je i ove troškove u svojim poslovnim knjigama i finansijskom izvještaju trebala iskazati u godini u kojoj su nastali.

Stranka je u godišnjem finansijskom izvještaju iskazala rashode iz ranijih godina u iznosu od 2.636,06 KM.

Uvidom u poslovne knjige i dostavljenu dokumentaciju utvrđeno je da je stranka u poslovnim knjigama, na kontu 40890-*Naknadno utvrđeni rashodi iz prošle godine*, evidentirala zakup poslovnog prostora za juli 2019. godine u iznosu od 2.310,00 KM, utrošak vode u iznosu od 35,10 KM i troškove električne energije u iznosu od 20,76 KM, hosting paket za period juli-decembar 2020. godine u iznosu od 70,20 KM i zakupninu poslovnog prostora u Zavidovićima za decembar 2020. godine u iznosu od 200,00 KM.

- Politička organizacija „Nezavisni blok“ je u obrascu 5 (*Ostale obaveze*) iskazala obaveze prema pravnom licu MH „Elektroprivreda BiH“ d.d. Bihać u iznosu od 26,94 KM, MH „Elektroprivreda BiH“ d.d. Breza u iznosu od 10,99 KM i MH „Elektroprivreda BiH“ d.d. Zenica u iznosu od 80,27 KM.

Uvidom u izvode otvorenih stavki na dan 31.12.2021. godine, koje je dostavila „Elektroprivreda Bosne i Hercegovine“ d.d. Sarajevo, obaveze Političke organizacije „Nezavisni blok“ po osnovu električne energije za Područje snabdijevanja Zenica iznose 80,27 KM, dok za Bihać i Brezu nema podataka.

Prema podacima sa računa za decembar 2021. godine za prostor u Bihaću, koji je ispostavljen zakupodavcu Stupac Halimu, a koji je u postupku revizije dat revizorima, obaveze stranke za korištenje električne energije za prostor u Bihaću na dan 31.12.2021. godine iznosile su 26,92 KM.

Navedeno ukazuje da stranka u svojim poslovnim knjigama nema pravilno evidentirane obaveze prema dobavljačima.

- (5) Uvidom u finansijsku dokumentaciju političke stranke i knjigovodstvene isprave, utvrđeni su nedostaci kod dijela računa dobavljača koji su knjigovodstvene isprave o nastalim poslovnim događajima.⁵

Naime, na računu dobavljača Pansion „Čarolija“ Vlašić broj: 1-2021 od 21.06.2021. u iznosu od 1.398,00 KM kao vrsta usluge navedeno je „organizacija savjetovanja seminarskog tipa uz konzumaciju jela i pića“ bez specifikacije o vrsti hrane i pića.

⁵ U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

5.2 PREPORUKE

Preporučuje se Političkoj organizaciji „Nezavisni blok“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava,*
- *da prijavljuje sve priloge,*
- *da poslovne knjige vodi u skladu sa računovodstvenim propisima, odnosno da vodi pravilne i potpune evidencije o prihodima, rashodima i obavezama,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da redovno vrši usaglašavanje obaveza sa dobavljačima, te provodi odgovarajuća knjiženja u svojim poslovnim knjigama.*

KOMENTAR:

Politička organizacija „Nezavisni blok“ je dostavila primjedbe na nalaze utvrđene u Preliminarnom izvještaju o reviziji godišnjeg finansijskog izvještaja za 2021. godinu.

Služba za reviziju je uzela u obzir nove revizijske dokaze koje je politička stranka dostavila, uvažila argumentovane primjedbe stranke i u skladu s time korigovala nalaze revizije iz preliminarnog revizijskog izvještaja.

Šef Odsjeka za revizijske poslove

Sanja Tošović

Revizor

Tanja Golijanin

Pomoćnik revizora

Rijad Selmanović

Šef Službe za reviziju

Mr.sc Hasida Gušić